



Broj: 04-14-33919-7/17  
Sarajevo, 22.05.2018.godine

Na osnovu člana 69. stav 2. tačka d) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), i čl. 56 Zakona o organizaciji organa uprave u FBiH („Službene novine FBiH“, br.35/05), ministar saobraćaja Kantona Sarajevo na preporuku Komisije za javnu nabavku donosi:

### **O D L U K U** **o poništenju postupka javne nabavke**

1. Poništava se otvoreni postupak javne nabavke za izgradnju i opremanje tramvajskih stajališta za kontrolisanu naplatu karata i uvođenje elektronskog sistema naplate broj obavještenja objavljenog na portalu javnih nabavki pod rednim brojem 1242-1-3-6-3-9/18 od 07.02.2018. godine, jer nijedna od primljenih ponuda nije prihvatljiva za predmetnu nabavku.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

### **O b r a z l o ž e n j e**

Poništava se postupak javne nabavke pokrenut Odlukom o pokretanju postupka broj: 04-14-33919/18 od 08.01.2018.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje za izgradnju i opremanje tramvajskih stajališta za kontrolisanu naplatu karata i uvođenje elektronskog sistema naplate broj obavještenja objavljenog na portalu javnih nabavki pod rednim brojem 1242-1-3-6-3-9/18 od 07.02.2018. godine.

Zapisnikom o otvaranju ponuda od 07.05.2018.godine komisija je evidentirala da su u predviđenom roku pristigle dvije ponude grupe ponuđača Konzorcij BS Telecom Solutions d.o.o. Sarajevo i Deling d.o.o. Tuzla i Konzorcij ITC Zenica d.o.o., Lupon Venures d.o.o. i Conram d.o.o.

U Zapisniku o pregledu i ocjeni ponuda od 22.05.2018.godine Komisija je utvrdila da nijedna pristigla ponuda nije prihvatljiva, odnosno da ne ispunjavaju kvalifikacione uslove zahtijevane tenderskom dokumentacijom kako slijedi:

Tačkom 1.5. Tenderske dokumentacije- tehnička i profesionalna sposobnost- čl. 48.-51. Zakona pod A) ponuđač je bio dužan da u skladu sa članom 49. tačka a) obezbjedi dokaze ( referens listu) da je u posljednje tri godine (2014., 2015. i 2016.) ili od dana registracije, odnosno početka poslovanja, ako je ponuđač registriran, odnosno počeo raditi prije manje od tri godine, imao uspješno realizovane ugovore ukupne vrijednosti od minimalno 3.000.000,00 KM ( sa PDV-om) i više, i to:

b) minimalno 1.500.000,00 KM na poslovima montiranja i implementacije informatičkih sistema. Minimalna vrijednost ugovora koji se prilaže kao dokaz uspješno realizovanih ugovora u zahtijevanom periodu mora iznositi minimalno 100.000,00 KM.

Dokazi koje je dostavio ponuđač Konzorcij ITC Zenica d.o.o., Lupon Ventures d.o.o. i Conram d.o.o. ne ispunjavaju traženi uslov obzirom da se dostavljene potvrde o uspješno realizovanim ugovorima odnose na ugovore realizovane u 2017. i 2018. godini.

Navedenom tačkom tenderske dokumentacije pod B) ponuđač je bio dužan da dostavi dokaze da u radnom odnosu na neodređeno vrijeme, ugovorom o radu sa punim radnim vremenom ili ugovorom o djelu koji sadrži elemente ugovora o radu, ima minimalno angažovano tehničko radno osoblje:

- 15 (deset) uposlenika tehničke struke, stručnjaka u oblasti izrade/konfiguracije softvera i instaliranja opreme za korištenje softvera, sa završenim studijem informacione tehnologije, elektrotehničkog fakulteta



(VII stepen), odnosno obrazovanje prvog ciklusa (koji se vrednuje sa 240 ECTS bodova), sa minimalno 2 (dvije) godine radnog iskustva ili radnog staža na istim ili sličnim poslovima.

Ponudač Konzorcij ITC Zenica d.o.o., Lupon Ventures d.o.o. i Conram d.o.o. nije dokazao traženi uslov obzirom da se iz dostavljene diplome za Hasić Nermina, dipl.ing.informatike, (180 ECTS), Evropski Univerzitet- Tehnički fakultet zaključilo da nema traženi stepen obrazovanja odnosno obrazovanje prvog ciklusa koji se vrednuje sa 240 ECTS bodova, dok ponudač Konzorcij BS Telecom Solutions d.o.o. Sarajevo i Deling d.o.o. Tuzla u odnosu na traženi uslov nije dokazao ispunjavanje istog iz što se iz dostavljene dokumentacije utvrdilo da Agić Nedžad, dipl.ing. elektrotehnike i Omić Faruk, dipl.ing. elektrotehnike nemaju traženi stepen obrazovanja odnosno obrazovanje prvog ciklusa koji se vrednuje sa 240 ECTS bodova.

Takođe, ponudač Konzorcij BS Telecom Solutions d.o.o. Sarajevo i Deling d.o.o. Tuzla ne ispunjava uslov iz tačke 1.5. tenderske dokumentacije pod B)- b) kojim je isti bio dužan dostaviti dokaze da u radnom odnosu na neodređeno vrijeme, ugovorom o radu sa punim radnim vremenom ili ugovorom o djelu koji sadrži elemente ugovora o radu, ima minimalno zaposleno stručno osoblje za izvođenje predmetnih radova i to /na osnovu uslova propisanih Pravilnikom o licenciranju izvođača radova redovnog održavanja cesta (Službene novine FBiH broj 56/15) uz određeno prilagođavanje istih obimu, prirodi i složenosti poslova koji su predmet ove javne nabavke/, a koji se odnose na dva lica sa odgovarajućim stepenom obrazovanja za rukovanje sredstvima rada (mašinama, uređajima i opremom), električara, bravara i zavarivača. Sastavni dio ove odluke je Zapisnik o pregledu i ocjeni ponuda br: 04-14-33919-6/18 od 22.05.2018. godine sa svim priložima.

Na osnovu svega navedenog, a cijeneći odredbe člana 69. stav (2) tačka d) Zakona o javnim nabavkama kojim je propisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva, donesena je odluka kao u dispozitivu.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.

Dostaviti:

- ITC Zenica d.o.o.  
ul.Zmaja od Bosne bb, Zenica
- BS Telecom Solutions d.o.o. Sarajevo  
ul. Branilaca Sarajeva br.20, Sarajevo
- Evidenciji
- Arhivi



**MINISTAR**  
**Dr. sc. Mujo Fišo**



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

